

Beëter sjeef d'r in...

[koeplet ee]

Nit mieë wie inne kroekesjtóp, nit ech ee sjportfiguur.
Ee bee te kót, twieë linker veut, min twelf in 't móntuur.
Al dartig joar rechtsboete. Nog noeëts d'r bol gehad.
'ne Sjeële klotskóp óp 't veld. De klub die woar hõam zat.
Mar noa ing uëvertreëning, had heë zieng kans gepak.
Vanaaf de elf, zieng ieejste gool gemak.

[refring]

Beëter sjeef d'r in dan rech d'r neëve. Mit get prove geet 't good.
Beëter sjeef d'r in dan rech d'r neëve. Kóm verlees noe nit d'r mood.
Beëter sjeef d'r in dan rech d'r neëve. Han geduld en num de tied.
Mit kleine sijtepkas kunste wier. 't Geet al vöal... beëter wie de ieejste kier.

[koeplet twieë]

Heë wirkde bei de GeeGeeDee as medisch assistent.
Nog nit zoeë vöal ervaring. Nog nit zoeë vöal gewend.
Heë moch ing kier probere en sjtikt óp good geluk.
Dus effe tendjes óp elkaar en flink noa vuur gebuk.
De bóksj haof óp de kneie. Mit touwgeknieëpe bats.
Hat heë mit pieng en muite, ing sjpuit d'r in geflats.

[refring]

[koeplet drei]

Deë daag deë zou goa kómme. Die nach zoeë lang verwach.
Zie meedje woeëd zie vruike en in de huweliks nach:
Mit hange en mit wurge en zijweet óp zie gezich...
lupt heë gesjpanne rónk 't bed en deet als maan zieng plich.
Gemorks tussje de lakes en sjtõnde geprobeerd.
Bekans mit dat gehóddel, zieng vrouw versjangeleerd.

[refring]

[tusjesjtuk]

Huur óp mit dat gekloemel. Sjei oet mit dat gevring.
Noe blief dich kónsentrere; dan geet 't van alling.

[refring]

't Is egaal wie lang me helt. 't Rezeltaat dat is alling wat telt.

Oetveurend artiest **45ëlf**
Tekstdichter **Edwin Peelen**
Toeëndichter **Edwin Peelen**
Arrangement **Michel Nita**
Ópnametechniek **Mailstone Music**

© 2016 Kopierech Vlokketül Productions, Landgraaf, Nederland
Va nrieks oet dis oetgaaf maag-ste mieë eksemplare make en/of noa boete bringe durch druk, bildekopie,
digitalisering of óp welke anger wies da óch, zõnger tówsjtumming vuuraf va de oetgeëverei.
Kiek óch ins óp 45elf.nl.



45elf.nl



45elf



@45elf